

**PRAVILNIK
O KORIŠTENJU VLASTITIH PRIHODA
UNIVERZITETA U SARAJEVU -
PRIRODNO-MATEMATIČKOG
FAKULTETA**

Sarajevo, mart 2024. godine

**UNIVERZITET U SARAJEVU - PRIRODNO-MATEMATIČKI
FAKULTET**

**PRAVILNIK
O KORIŠTENJU VLASTITIH PRIHODA
UNIVERZITETA U SARAJEVU -
PRIRODNO-MATEMATIČKOG
FAKULTETA**

Sarajevo, mart 2024. godine

SADRŽAJ

DIO PRVI – OSNOVNE ODREDBE.....	4
DIO DRUGI – STJECANJE VLASTITIH PRIHODA	5
DIO TREĆI – KORIŠTENJE VLASTITIH PRIHODA	6
DIO ČETVRTI – ZAVRŠNE ODREDBE	9

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22) i člana 111. Statuta Univerziteta u Sarajevu, Vijeće Univerziteta u Sarajevu - Prirodno-matematičkog fakulteta na 70. sjednici održanoj dana 22.03.2024. godine, donosi

Prijedlog

PRAVILNIK O KORIŠTENJU VLASTITIH PRIHODA UNIVERZITETA U SARAJEVU - PRIRODNO- MATEMATIČKOG FAKULTETA

DIO PRVI – OSNOVNE ODREDBE

Član 1.

(Predmet Pravilnika)

Pravilnikom o korištenju vlastitih prihoda Univerziteta u Sarajevu - Prirodno-matematičkog fakulteta (u daljnjem tekstu: Pravilnik) utvrđuju se vrste vlastitih prihoda koje Univerzitet u Sarajevu - Prirodno-matematički fakultet (u daljnjem tekstu: Fakultet) ostvaruje, pravna osnova ostvarivanja te namjena i način korištenja vlastitih prihoda, koje Fakultet ostvaruje obavljanjem svoje registrirane djelatnosti, a koje se ne finansiraju iz sredstava Budžeta Kantona Sarajevo (u daljnjem tekstu: Budžet).

Član 2.

(Vlastiti prihodi)

- (1) Pod vlastitim prihodima (u daljnjem tekstu: vlastiti prihodi) podrazumijevaju se prihodi koje Fakultet ostvari u skladu odredbama člana 25. i 27. Zakona o visokom obrazovanju („Službene novine Kantona Sarajevo, broj 36/22) – (u daljnjem tekstu: Zakon), javni vlastiti prihodi u skladu sa odredbama Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22) i Pravilnika o javnim vlastitim prihodima Univerziteta u Sarajevu, Pravilnika o izmjenama i dopunama Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine („Službene novine Federacije BiH“, broj 37/23) i odredbama relevantnih propisa, koji su na snazi i koji reguliraju ovu oblast, te ostali prihodi i primici nastali obavljanjem svoje registrirane djelatnosti, kao i ostalih poslova na tržištu.
- (2) Vlastiti prihodi, koje ostvari Fakultet, uplaćuju se na Jedinstveni račun Trezora Kantona Sarajevo, a koriste se u skladu sa Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta i Fakulteta.

DIO DRUGI – STJECANJE VLASTITIH PRIHODA

Član 3.

(Vrste vlastitih prihoda)

- (1) U skladu sa Zakonom, Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta i Fakulteta, vrste vlastitih prihoda, koje ostvaruje Fakultet su:
 - a) javni vlastiti prihodi Fakulteta;
 - b) prihodi od realizacije kurseva, seminara, mikrokvalifikacija, pripremne nastave, ljetnih/zimskih škola, te različitih oblika necikličnog i cjeloživotnog obrazovanja;
 - c) prihodi od naučnoistraživačkih i umjetničkoistraživačkih projekata;
 - d) prihodi i primici od tekućih transfera Kantona Sarajevo, drugih nivoa vlasti i međunarodnih organizacija;
 - e) prihodi od donacija pravnih i fizičkih lica;
 - f) prihodi od legata, poklona i zavještanja;
 - g) prihodi od tehnoloških centara, programa, projekata i slično;
 - h) prihodi od domaćih i međunarodnih programa i projekata;
 - i) prihodi od autorskih prava, patenata i drugih prava intelektualne svojine;
 - j) prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;
 - k) prihodi i primici iz drugih izvora u skladu sa zakonom i registrovanom djelatnošću; te
 - l) primici i prihodi od ostalih akademskih i naučnih, umjetničkih i istraživačkih aktivnosti u skladu sa djelatnošću koju Univerzitet obavlja.
- (2) Vlastiti prihodi iz stava (1) ovog člana, koje ostvaruje Fakultet, utvrđuju se na način propisan zakonom i drugim relevantnim propisima, općim aktima Univerziteta, te pojedinačnim aktima Fakulteta.
- (3) Ostali prihodi, koji nisu obuhvaćeni odredbama Zakona, Pravilnikom o vrstama vlastitih javnih prihoda u Federaciji Bosne i Hercegovine te Pravilnikom o izmjenama i dopunama pravilnika o načinu uplate, pripadnosti i raspodjele javnih prihoda u Federaciji Bosne i Hercegovine, kao i drugim relevantnim propisima, predstavljaju vlastite prihode Fakulteta.
- (4) Primitak od prodaje imovine Fakulteta uplaćuje se na Jedinostveni račun Trezora Kantona Sarajevo, a u korist Fakulteta.

Član 4.

(Stjecanje vlastitih prihoda)

- (1) Fakultet stječe vlastite prihode u skladu sa:
 - a) Zakonom, Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta;
 - b) sporazumima/ugovorima o realizaciji međunarodnih i domaćih naučnoistraživačkih, umjetničkoistraživačkih i stručnih projekata Univerziteta/Fakulteta;

- c) sporazumima/ugovorima sa zavodima i ostalim institucijama, čija je oblast/djelatnost povezana sa radom Fakulteta;
- d) sporazumima/ugovorima o komercijalizaciji intelektualnih dobara/intelektualnog vlasništva Univerziteta/Fakulteta;
- e) drugim propisima/sporazumima/ugovorima, koji reguliraju predmetnu oblast, u skladu sa obavljanjem registrirane djelatnosti Univerziteta/Fakulteta, kao i realizacijom ostalih poslova na tržištu.

DIO TREĆI – KORIŠTENJE VLASTITIH PRIHODA

Član 5.

(Način raspodjele prihoda od III ciklusa studija)

Ostvareni vlastiti prihodi iz člana 3. ovog Pravilnika po osnovu školarine za **III ciklus studija**, raspoređuju se na sljedeći način:

- a) 17% prihoda izdvaja se za održavanje i druge materijalne troškove Fakulteta, nabavku opreme i jačanje suradnje sa privredom;
- b) 15% prihoda izdvaja se za poboljšanje materijalne i tehničke opremljenosti kao osnove za realizaciju kvalitetnog nastavnog procesa na III ciklusu odsjeka Fakulteta, koji organiziraju III ciklus, proporcionalno uplatama studenata III ciklusa na tim odsjecima. Odluku o raspodjeli ovih sredstava donosi dekan na prijedlog voditelja III ciklusa studija i šefa odsjeka, osim za zajednički studij za koji odluku donosi dekan na prijedlog voditelja ovog studija;
- c) 5% prihoda izdvaja se za Fond za razvoj Univerziteta;
- d) 5% sredstava od uplata za III ciklus studija izdvaja se za rad menadžmenta, stručnih službi Fakulteta uključenih u rad III ciklusa, te voditelja i sekretara III ciklusa, o čemu odluku donosi dekan;
- e) 3% prihoda izdvaja se za funkcioniranje zajedničkih službi Univerziteta;
- f) visina naknade za voditelja III ciklusa određena je pravilnicima za III cikluse studija, koje usvaja Vijeće Fakulteta;
- g) odluku o raspodjeli preostalih sredstava za III ciklus, uključujući i naknadu za voditelje studija, donosi dekan na prijedlog voditelja III ciklusa studija, a u skladu sa pravilnicima o raspodjeli sredstava na III ciklusu.

Član 6.

(Način raspodjele prihoda po osnovu projekata)

(2) Ostvareni vlastiti prihodi po osnovu **projekata** raspoređuju se na sljedeći način:

- a) u skladu sa vrstom projekta i planom realizacije budžeta, koji uključuje i angažiranje zajedničkih službi Univerziteta/službi Fakulteta, koje podržavaju upravljanje projektima, voditelji projekata su obavezni, najkasnije prije podnošenja finalnog projektnog izvještaja, prenijeti minimalno 2% od ukupnog budžeta projekta za Univerzitet/Fakultet putem zahtjeva za prenos/alokaciju sredstava (Obrazac P7);
- b) 14% za ulaganje u materijalno-tehničko i infrastrukturno održavanje, nabavku opreme, razvoj ljudskih i nastavnih resursa Fakulteta, jačanje suradnje sa privredom kroz angažman stručnjaka iz prakse, troškove službenih putovanja i plaćanje vanjskih saradnika;

- c) 14% za ulaganje u materijalno-tehničko i infrastrukturno održavanje, nabavku opreme, razvoj ljudskih i nastavnih resursa na odsjecima na kojima se realizira projekat, jačanje suradnje sa privredom i plaćanje troškova službenih putovanja, o čemu odluku donosi dekan na prijedlog šefa odsjeka i voditelja projekta;
- d) odluku o raspodjeli preostalih 70% prihoda donosi dekan na prijedlog voditelja projekta.

Član 7.

(Način raspodjele prihoda od zakupnina)

- (1) Prihodi ostvareni od zakupnina raspoređuju se na sljedeći način:
 - a) 5% prihoda izdvaja se za Fond za razvoj Univerziteta;
 - b) 3% prihoda izdvaja se za funkcioniranje zajedničkih službi Univerziteta;
 - c) 50% prihoda izdvaja se za realizaciju naučno-nastavnog i naučnoistraživačkog procesa na odsjecima Fakulteta (po 10% za svaki odsjek);
 - d) odluku o raspodjeli preostalih 42% prihoda donosi dekan.

Član 8.

(Način raspodjele prihoda od sredstava sa stručnog studija)

- (1) Prihodi ostvareni realizacijom stručnog studija raspoređuju se na sljedeći način:
 - a) 22% prihoda izdvaja se za razvoj i unapređenje nastavno-naučnog procesa na Fakultetu, uključujući rad menadžmenta i stručnih službi Fakulteta uključenih u realizaciju stručnog studija;
 - b) 10% prihoda izdvaja se za nabavku opreme i stručne literature neophodne za realizaciju nastave na stručnom studiju;
 - c) 5% prihoda izdvaja se za Fond za razvoj Univerziteta;
 - d) 3% prihoda izdvaja se za funkcioniranje zajedničkih službi Univerziteta;
 - e) 60% sredstava izdvaja se za naknade: izvođačima nastave, stručnjacima iz prakse, voditelju/koordinatora stručnog studija, sekretaru odsjeka na kojem se realizira stručni studij, laborantima, pomoćnim radnicima - spremačicama i ostalim učesnicima u organiziranju, održavanju i tehničkoj podršci u realizaciji nastave na stručnom studiju;
 - f) Odluku o raspodjeli sredstava iz tačke b) i e) ovog člana donosi dekan na prijedlog šefa Odsjeka i voditelja/koordinatora studijskog programa stručnog studija.

Član 9.

(Način raspodjele prihoda od laboratorijskih stručnih analiza)

- (1) Prihodi ostvareni od laboratorijskih stručnih analiza raspoređuju se na sljedeći način:
 - a) 5% prihoda izdvaja se za Fond za razvoj Univerziteta;
 - b) 2% prihoda izdvaja se za funkcioniranje zajedničkih službi Fakulteta;
 - c) 15% izdvaja se za plaćanje uposlenika koji rade na laboratorijskim analizama;
 - d) odluku o raspodjeli preostalih 78% prihoda donosi dekan.

Član 10.

(Način raspodjele preostalih prihoda)

- (1) Svi ostali prihodi koji nisu definisani u članovima 5, 6, 7, 8 i 9 se raspoređuju na sljedeći način:
- a) 5% prihoda izdvaja se za Fond za razvoj Univerziteta;
 - b) 3% prihoda izdvaja se za funkcioniranje zajedničkih službi Univerziteta;
 - c) odluku o raspodjeli preostalih 92% prihoda donosi dekan.

Član 11.

(Izuzeća od načina raspodjele prihoda)

- (1) Od obaveze prenosa/preknjiženja sredstava u Fond za razvoja Univerziteta izuzimaju se i:
- a) prihodi od naučnoistraživačkih i umjetničkoistraživačkih projekata;
 - b) prihodi od donacija pravnih i fizičkih lica;
 - c) prihodi od legata, poklona i zavještanja;
 - d) prihodi od stručnih projekata, stručnih ekspertiza, stručnih, naučnoistraživačkih i umjetničkoistraživačkih skupova/konferencija;
 - e) prihodi od autorskih prava, patenata i drugih prava intelektualne svojine;
 - f) prihodi od izdavačke djelatnosti;
 - g) prihodi od pružanja zdravstvenih i stomatoloških usluga i usluga edukativnog zdravstva te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;
 - h) namjenska sredstva koja se doznavačavaju članicama Univerziteta u skladu sa odlukamaresornih ministarstava i drugih organa uprave, a koja su, u skladu sa članom 5. ovog Pravilnika, vlastiti prihod.
- (2) Od obaveze prenosa/preknjiženja sredstava za funkcioniranje zajedničkih službi Univerziteta izuzimaju se:
- a) prihodi od stručnih domaćih i međunarodnih projekata;
 - b) namjenska sredstva za namjenske kapitalne izdatke;
 - c) namjenska sredstva, koja se doznavačavaju članicama Univerziteta u skladu sa odlukamaresornih ministarstava i drugih organa uprave, a koja su u skladu sa članom 3. ovog Pravilnika vlastiti prihod;
 - d) ukoliko ovaj oblik izdataka odredbama ugovora nije dopušten.
- (3) Izuzetno, po zahtjevu članice, rektor Univerziteta može posebnom odlukom izuzeti od obaveze prenosa/preknjiženja u Fond za razvoj i druge izvore i vrste vlastitih prihoda članice Univerziteta.

Član 12.

(Raspodjela prihoda Fonda za razvoj)

Način raspodjele sredstava Fonda za razvoj Univerziteta vrši se u skladu sa Pravilnikom onačinu raspodjele sredstava Fonda za razvoj Univerziteta u Sarajevu.

Član 13.

(Namjensko trošenje vlastitih prihoda)

- (1) Vlastiti prihodi Univerziteta/Fakulteta koriste se za pokriće izdataka nastalih obavljanjem poslova, od kojih se ostvaruju vlastiti prihodi i isplate plaća zaposlenim na Univerzitetu/članici, a ostatak za tekuće i kapitalne izdatke te razvoj i unapređenje nastavno-naučnog, umjetničkog i istraživačkog procesa, poboljšanje materijalne i tehničke opremljenosti članice Univerziteta, kao i za ostale troškove, koji nisu pokriveni budžetskim prihodima, u skladu sa općim aktom članice, koji, na prijedlog rukovodioca, donosi vijeće članice.
- (2) Rukovodilac članice Univerziteta odgovoran je da, u skladu sa registriranom osnovnom djelatnosti, vlastite prihode troši namjenski, planski, transparentno, u skladu sa finansijskim planom/budžetom članice, Pravilnikom o finansijskom poslovanju Univerziteta u Sarajevu, Pravilnikom o plaćama i naknadama Univerziteta u Sarajevu, Pravilnikom o radu Univerziteta u Sarajevu, ostalim općim aktima Univerziteta u Sarajevu, kao i ugovorima/sporazumima, u skladu sa relevantnim propisima.
- (3) Vlastitim prihodima mogu se pokrivati i troškovi Fakulteta, i to:
 - a) troškovi vezani za realizaciju aktivnosti, kojima se ostvaruju vlastiti prihodi, i to kroz isplate dodataka na plaću po osnovu radnog učinka i drugih oblika isplate naknada uz plaću zaposlenim na Univerzitetu/članici u skladu sa važećim kolektivnim ugovorom, Pravilnikom o plaćama i naknadama Univerziteta u Sarajevu i drugim općim aktima Univerziteta;
 - b) troškovi vezani za realizaciju aktivnosti, kojima se ostvaruju vlastiti prihodi, i to kroz isplate ugovora o privremenim i povremenim poslovima, ugovora o autorskom djelu, odnosno drugih obligacionih ugovora;
 - c) troškovi vezani za poslove podrške (administrativno-pravni poslovi i finansijsko praćenje poslova, od kojih se ostvaruju vlastiti prihodi, provođenje tendera i drugi poslovi, koji se obavljaju na članici i za potrebe članice),
 - d) troškovi korištenja prostora;
 - e) troškovi nabavke stalnih sredstava i imovine članice;
 - f) troškovi održavanja;
 - g) svi ostali troškovi i aktivnosti neophodni za provođenje djelatnosti članice Univerziteta i ostvarivanje vlastitih prihoda.
- (4) Vlastitim prihodima mogu se pokrivati i ostali troškovi, koji nisu pokriveni iz budžetskih prihoda, te troškovi dodatnih aktivnosti vezanih za obavljanje različitih poslova za ostvarivanje vlastitih prihoda iz člana 3. ovog Pravilnika, u skladu sa finansijskim planom/budžetom Univerziteta/Fakulteta.

Član 14.

(Isplate)

- (1) Isplate osoblju Univerziteta/Fakulteta, kao i drugim licima koja nemaju zasnovan radni odnos na članici Univerziteta, utvrđene članom 13. ovog Pravilnika, vrše se u skladu sa Pravilnikom o plaćama i naknadama Univerziteta u Sarajevu, Pravilnikom o radu Univerziteta u Sarajevu i općim aktima Univerziteta.
- (2) Isplate iz stava (1) ovog člana vrše se po pojedinačnim aktima, koje donosi dekan Fakulteta.

DIO ČETVRTI – ZAVRŠNE ODREDBE

Član 15.

(Postupak izmjena i dopuna)

Izmjene i dopune ovog Pravilnika vrše se na način i po postupku za njegovo donošenje.

Član 16.

(Prestanak važenja ranijeg Pravilnika)

Stupanjem na snagu ovog Pravilnika prestaje važiti Pravilnik o korištenju vlastitih prihoda Univerziteta u Sarajevu – Prirodno-matematičkog fakulteta broj: 01/06-748/3-2023 od 04. 05. 2023. godine.

Član 17.

(Stupanje na snagu)

Ovaj Pravilnik stupa na snagu danom donošenja i objavljuje se na internetskoj stranici Fakulteta.

Broj: 01/06-588/7-2024
Sarajevo, 04.04.2024.

DEKAN FAKULTETA



Prof. dr. Nusret Drešković

